



Иоанның Азых чооғы

Пу кинденің авторына кемні санирында аймах кибірлер пар. Оларның аразында төртінчі Чахсы Хабарны паза Наа Молчағның ұс пічиин пасхан Иоанн илчіні Азых пічіктің авторына санапчатхан кибір иң алғым тараан. Иоанн пу киндені Домициан хағанның тузында Патмос олтырыхсар ызылған туста наа эраның 90 чылларында пасхан полар. Ол хаған позын, Худайны чили, улуғлирын хысхан паза христианнарны айағ чох сүрген. Пасха кибір илчі Иоанны нимес, анынаң адас кізіні кинденің авторына санапча.

Пу кинде Пурунғы Молчағағы ухаанчыларның кибірін узаратча. Олар чарых, ундулбас омаларнаң тилекейнің тархыны тоозыларынаңар паза түгенчизінде чахсы чабалны чиніп аларынаңар чоохтааннар.

Пу киндедегі хабар иң пурнада Кічіг Азияның (сағамғы Түрк чирінің) Христос киртіністіг тигірибіне айланча. Ол сүрдіртчеткен чонға сонар полар нимее ізеніс төрітчеткен нандырығ пирче: Иисус Христос хатап пу чирге айланып, Худайдаң паза Аның чонынаң тоғыр турыбысханнарны санай чиніп алар паза Позына киртістіг кізілерге түгенмес сыйых пирер. Кинде христиан тигірибіне сыынчатхан чой үгретчілердең китендіріп пазыл парған.

Сөс алны

1 Пу – Иисус Христос асхан азых чоох^с. Аны Худай, түрчеден неме пол парарын Позының нымысчыларына көзіт пирзін тіп, Иисус Христосха пирген. Иисус Христос, пу азых чоохты ангелі^с пастыра Позының нымысчызына, Иоаннға, ызып, көзіт пирген. ²Иоанн прай көрген нимелерні – Худайның сөзін паза Иисус Христосаңар киречілесті – киречілеен. ³Мында пазылған нимелернің толар тузы чағдапча. Аннаңар пу ухаанчыластың сөстерін хығырчатхан кізі часкалығ, пу сөстерні ишеткен, анда пазылған нимелерні толдырчатхан кізілер дее часкалығлар.

Читі тигірибге чолабит

⁴⁻⁵ Мин, Иоанн, Асий чиріндегі* читі тигірибге^с чолабит ысчам. Полған, полчатхан паза килер Худайдаң, Аның үлгү сирезинің алнындағы читі хуттаң, паза сын Киречіден – Иисус Христостаң паарсас паза амыр хоных сирерге ползын. Ол өлімнең тірленнернің Пастағызы паза чир үстүндегі ханнарның Ханы полча. Ол піске хынған паза Позының ханынаң пісті чазыхтарыбыстаң^с арыглаан. ⁶ Ол пісті Худайының, Позының Пабазының, ханнары паза абыстары^с иткен. Ағаа сабланыс паза үлгү нинче-нинче чүс чылға ползын! Аминь^с. ⁷ Мына! Ол пулуттарынаң хада килер. Аны полған на кізі көр салар, Аны кіреске^с хазаан кізілер дее көр саларлар. Прай чир үстүндегі чоннар Аның алнында сыхтирлар. Ана іди полар. Аминь!

– ⁸ Мин Альфа паза Омега*, пасталғаны паза тоозылғаны полчам, – тіпче полған, полчатхан паза килер өөркі Чайаачы, Прай нимеден күстіг Худай.

Иоанн Патмос олтырыхта

⁹ Мин, Иоанн, сирернің харындазынарбын, Иисус Христосха киртініп, Худайның үлгүзі алтында, чобағларда паза сыдазыңда сирернен хадабын. Худай сөзіненер паза Иисус Христосаңар киречілеенім үчүн, Патмос олтырыхта ызыңда полғам. ¹⁰ Позырахта, Худай күнінде, Худай Худының^с күзі мағаа тол парыбысхан, анаң кистімде, пырғы тартхан осхас, өтіг үнни ис салғам:

– Мин Альфа паза Омега, пастағызы паза халғанчызы полчам. ¹¹ Син нима көрчезің, аны пічкке пас салып, Асий чиріндегі читі тигірибге: Ефес, Смирна, Пергам, Фиатир, Сардис, Филадельф паза Лаодик саарларзар ызыбыс.

¹² Кемнің үні миннең чоохтасча тіп, көрерге хылчаңнаам.

Көрзем, читі алтын чарытхы. ¹³ Читі чарытхының ортызында, тізең, Кізі Оолғына^с төйй, узун көгенек кис салған, көксіне тее-ре чалбах алтын хурнаң хурчан салған кізі турча. ¹⁴ Аның састары ах тук паза хар осхас ахтар. Аның харахтары чалыннапчатхан

* ^{1:4} *Асий чирі* – Рим империязына кірчеткен чир, амғы Турцияның килеркі чирі.

* ^{1:8} «Альфа паза Омега» грек алфавидінің пастағы паза халғанчы буквларының аттары.

от ла чили кӱйчелер. ¹⁵Аның азахтары изиг песте хайылдырып урылган хола осхастар, Аның үні, тізең, хорлап ахчатхан суғларның суулазы осхас. ¹⁶Ол оң холында читі чылтыс тутча паза ікі сари чітіг хылыс Аның ахсынаң сыхча. Аның сырайы күнӱрткідегі күн чили чалтырапча. ¹⁷Мин, Аны көр салып, азахтарынзар өліг ле кізі чили түскем. Ол, минзер оң холын салып, теен:

– Хорыхпа! Мин пастағызы паза халғанчызы полчам. ¹⁸Мин тірігбін! Мин өліг полғам, амды, тізең, хақан даа тірігбін. Аминь. Минде чир түбінің^с паза өлімнің клүстері пар. ¹⁹Аннаңар ниме көрчеткеніңні, ниме полчатханын паза мының соонда ниме поларын пас сал. ²⁰Минің оң холымдағы читі чылтыстың паза читі чарытхының тании мындағ: читі чылтыс – читі тигірибнің ангеллері, син көрген читі чарытхы, тізең, читі тигіриб полча.

Ефестегі тигірибге пічік

2 «Ефестегі тигірибнің ангеліне пас пир:

Оң холында читі чылтыс тутчатхан паза читі алтын чарытхы аразында пас чӱрчеткен Иисус піди тіпче: ²Сіернің киректеріңні, аар тоғыстарыңны паза сыдасханнарыңны пілчем. Хомай кізілерні көр полбинчатханнарыңны, илчілер^с тіп аданчатхан кізілерні сыныхтап, оларның чой полчатханнарын ілезіне сығарғаныңарны даа пілчем. ³Сіерер сыдас полчазар, Минің адым үчүн көп чобағлар көргезер, че майыхпаазар. ⁴Че сіерерден тоғыр чооғым парох. Сіерер постарыңның пастағы хыныстарыңны ундуп салғазар. ⁵Хайди төбін түс парғаннарыңны сағысха кирип, пыросыныңар. Пыросынып, пастап иткен киректеріңні идінер. Иди пыросынмазар, түрчедең сіерерзер киліп, чарытхыңарны орнынаң хыйа идібізербін. ⁶Че, николаиттернің итчеткен киректерін хырт көрчеткеннерің чахсы. Мин дее оларны хырт көрчем.

⁷Истіп пілчеткен кізі, Худай Худы тигіриблерге ниме тіпчеткенін, иссін.

Чиңіс тутхан кізее Худай садының ортызында өсчеткен чуртас ағазының чистегін чіп көрерге пирербін».

Смирнадағы тигірибге пічік

⁸«Смирнадағы тигірибнің ангеліне пас пир:

Ұреп, хатап тірілген, Пастағызы паза Халғанчызы полчатхан Иисус піди тіпче: ⁹Сіерернің киректеріңерні, чобааңарны паза хызылчатханыңарны пілчем. Андағ даа полза, сіерер пайзар!

Постарын иудейге^с сананчатхан кизилер сирерни хайди сөклеткеннерин дее пилчем. Сынында олар сайтан^с кизилери. ¹⁰ Сирерге түзер хыйаллардан хорыхпаңар. Көрерзер, сайтан, сирерни сыныртирға тiп, хай пiреелерiннi харибге чаап салар. Сирер он кун ирееленерзер. өдiртгеечетсер, Мағаа киртiнерiн тастабанар, анан Мин сирерге чуртастың сабланыс таниин – веногын, пирербiн.

¹¹ Истiп пiлчеткен кiзi, Худай Худы тигiриблерге ниме тiпчеткенiн, иссiн.

Чиңис тутханнарға iкинчi өлим хорғыстығ нимес!»

Пергамдағы тигiрибге пiчiк

¹² «Пергамдағы тигiрибнiң ангелине пас пир:

Икi саринаң чiтiг хылыстың Ээзи пiди тiпче: ¹³ Сирернiң киректерiннi, сайтанның үлгү сiреези полчатхан орында чуртапчатханнарыңны паза Минiң алныма iзестiг турысханнарыңны пiлчем. Анда, сайтанның чирiнде, Минiң сын киречiм Антипаның өдiрт салған куннерiнде дее Мағаа киртiнерiнең хыйа полбааннарыңны даа пiлчем. ¹⁴ Че сирердең тоғыр көмес чооғым парох. Сирернiң араңарда ухаанчы^с Валаамның* үгредиинче парчатхан кизилер парлар. Хачан-да, Валаамның үгредиине төстенiп, Валак хан Израильнiң чонын чазых чуртасха кирген. Иди ол чон, пасха худайларға салылған тайығ^с чиизiн чiп, оралызып, ай пораан чуртаан. ¹⁵ Сирернiң араңарда Мин хыртыстанчатхан николаиттернiң үгредиинче парчатхан кизилер парлар. ¹⁶ Пыросыныңар! Пыросынмазар, Мин, түрчеден сирерзер килiп, хылыс осхас тiлiмнең оларнаң чаалазарбын.

¹⁷ Истiп пiлчеткен кiзi, Худай Худы тигiриблерге ниме тiпчеткенiн, иссiн.

Чиңис тутхан кiзее тигiрдең түскен чазырған тамахты* чирге пирербiн. Мин ағаа наа ат-сола пазыл парған ах тасты пирербiн. Аны алған кизидең пасха ол ат-соланы пiрдеези пiлбинче».

* 2:14 Валаамнаңар көр: Пурунғы Молчағдағы «Саннар» (Числа) кинде (22–24).

* 2:17 «*Тамах*» – манна тiп адалчатхан чиис полча. Худай Израиль чонына маннаны хуу чазыда өзөкчеткеннерiнде пирген. Мыннаңар көр: Пурунғы Молчағдағы «Сығыс» (Исход) 16.

Фиатирдағы тигірибге пічік

¹⁸ «Фиатирдағы тигірибнің ангеліне пас пир:

От чілі чалыннапчатхан харахтығ паза холадаң урылған осхас азахтығ Худай Оолғы піди тіпче: ¹⁹ Сіерернің киректерінні, хынызынарны, тоғынғанынарны, киртінізінерні, прай нимее сыдасханынарны паза халғанчы киректерің пастағызынаң көп полчатханын пілчем. ²⁰ Че сіерердең тоғыр көмес чооғым парох. Сіерер позын ухаанчаа сананчатхан Иезавель* ипчіден тоғыр полбинчазар. Ол ипчі Минің нымысчыларымны, оралыстығ ондайнаң чуртирға, пасха худайларға салылған тайығ ас-тамахты чирге үгредіп, алаахтырча. ²¹ Мин ағаа чөреечі хылиин тастирға түс пиргем, че ол пыросынарға хынминча. ²² Ол ипчінің чолына кіріп, оралыс чөрген кізілер пыросынмазалар, Мин оларны илбек чобаға кирербін. Ол ипчіні, тізең, чадыға кир саларбын. ²³ Мин аның палаларына өлім ызарбын. Кізілер чүректерінің паза сағыстарының сынтағчызы полчатханымны прай тигіриблер піліп аларлар. Сіерерге, полғанынарға ла, иткен киректерің хоостыра төлеп пирербін.

²⁴ Сіерерге, тізең, ол ипчінің үгредиинче полбин, сайтанның „тирең чазыттары“ тіп адалчатхан нимені пілбеен Фиатирдағы кізілерге, чоохтапчам: „Мин сіерерге пасха аар-чүк артпаспын“. ²⁵ Че сағам, Мин килгенче, поэнардағы ла нимелерні хайраланар. ²⁶ Чиніс тутхан паза Минің киректерімні тооза толдырған кізее чоннарнаң устацаң үлгү пирербін. ²⁷ Ол, тізең, тимір тайахнаң чоннарны хадарар; олар, той ідістер чілі, чара чачырирлар. Сах іди Мин Пабадаң үлгү алғам. ²⁸ Чиніс тутхан кізее, тізең, иртенгі чылтысты пирербін.

²⁹ Истіп пілчеткен кізі, Худай Худы тигіриблерге ниме тіпчеткенін, иссин».

Сардистегі тигірибге пічік

3 «Сардистегі тигірибнің ангеліне пас пир:

Худайның читі худын паза читі чылтысты тутчатхан Иисус піди чоохтапча: Мин сіерернің киректерінні пілчем. Сіерердеңер

* ^{2:20} *Иезавель* – Фиатирдағы тигірибдегі ипчінің ады. Че пу ат Пурунғы Молчағда Израиль ханының ипчізінің ады полған. Ол ипчі уғаа чабал, хара хорғыстығ хылыхтығ полған. Көр: Пурунғы Молчағдағы «Ханнардаңар» (Царств) 3-чі кинде 16:31; 18:4 паза «Ханнардаңар» 4-чі кинде 9:22.

тіріглер тіп чоохтасчалар, че сірер өлігзер. ²Худайымның алнында сірернің иткен киректеріңнің турыстығ полғанын көр таппинчам. Аннаңар сиргек улыңар паза пасхаларына, өлімге чағдап парғаннарға, күс кириңер. ³Нимені искезер паза алып алғазар, аны сағысха кириңер, аны хайралланаңар паза пыросынынар. Сынап сірер сиргек полбазар, Мин, оғыр ла чили, кинетін килербін, хай туста килгенімні сірер сизинмин дее халарзар. ⁴Че сірернің анда, Сардис саарда, постарының кип-азахтарын кір-лебеен кизілер парлар. Олар Миннең хада ах кип-азахтығ чөрерлер, олар агаа турыстығлар нооза. ⁵Чинісчи ах кип-азахтығ полар, Мин аның адын чуртас пічиинең хачан даа сии тартпаспын. Пабамның паза ангеллернің алнында аннаңар киречилирбін.

⁶Истіп пілчеткен кизи, Худай Худы тигіриблерге ниме тіпчеткенін, иссин».

Филладельфтегі тигірибге пічік

⁷«Филладельфтегі тигірибнің ангелине пас пир: Ол асхан нимені пірдеези чаап полбас, Ол чапхан нимені дее пірдеези ас полбас, Давид^с ханның клүзін тутчатхан Сын паза Ах-арың^с Иисус піди тіпче: ⁸Мин сірернің киректеріңні пілчем. Мына көриңер, сірерге ізік ас пиргем, аны пірдеези чаап полбас. Пілчем, күзінер асхынах, че сірер сөстерімні хайраллаазар паза Магаа киртінерінең хыйа полбаазар. ⁹Піс иудейлербіс тіп чоохтанчатхан кизілер сынында андағ нместер, че сайтанда чой кизілер, ана оларны азахтарыңзар түзірербін, олар, тізең, сірерге хынчатханымны піліп аларлар. ¹⁰Сыдамах улыңар тіп пирген чахиимны хайраллааныңар үчүн, Мин дее сірерні сидік сыныхтағ тузынаң хайраллирбын. Ол сыныхтағ, чир үстүндегі чоннарны сыныхтирға тіп, прай тилекейге ызылар. ¹¹Мин түрчедең килербін. Чиніс таниинарны – венокты, пірдеези оғырлап парыбыспазын тіп, нинче пар нименерні пик тудыңар. ¹²Чиніс тутхан кизіні Мин Худай храмында тірег ит саларбын, ол, тізең, храмнаң пір дее сых полбас. Мин ол тірегде Худайымның адын, Позымның наа адымны паза Худайымның саарының – наа Иерусалимнің адын пас саларбын! Пу саар, тізең, тигірдең, минің Худайымнаң, түзер.

¹³Истіп пілчеткен кизи, Худай Худы тигіриблерге ниме тіпчеткенін, иссин».

Лаодиктегі тигірибге пічік

¹⁴ «Лаодиктегі тигірибнің ангеліне пас пир:

Ады Аминь полчатхан орта паза сын Киречі, Худай чайаан нимелернің Пазы піди чоохтапча: ¹⁵ Сірернің киректеріңні пілчем. Сірер соох таа, ізіг дее нимессер. Соох алай ізіг полған ползар, хайдағ чахсы поларчых. ¹⁶ Че сірер ізіг дее, соох таа нимессер, чылығзар ла, аннаңар Мин сірерні, кирексібін, суғны чілі түкүрібізербін. ¹⁷ Сірер тіпчезер: „Мин пайбын, пайып пардым, мағаа пір дее ниме кирек чоғыл“. Че постарыңның хайдағ часка чох айастығ, тіленчік, харах чох паза чалаас полчатханнарынны сизінминчезер. ¹⁸ Аннаңар чөп пирчем сірерге Миннең садып аларға: көйчеткен отнаң арығалған алтынны пайир үчүн; ах кип-азахты, кизіп алып, уйадыстығ хуба чалаазыңарны чабар үчүн; имнің сүрткіні, харахтарыңны сүртіп, көрер үчүн. ¹⁹ Кемге Мин хынчам, аны, пырозын ілезіне сығарып, хатығлапчам. Аннаңар, күстеніп, пыросыныңар. ²⁰ Мына Мин, ізік алнында турып, тохлатчам. Кем, үнімні ис салып, ізік ас пирер, Мин, андар кіріп, аннаң хада азыранарбын, ол даа Миннең хада азыранар. ²¹ Чиңіс тутхан кізее үлгү сіреемде Позымнаң хада одыар ондай пирербін, Мин дее іди, чиңіс тудып, Пабамаң хада Аның үлгү сіреезіне одырғам.

²² Истіп пілчеткен кізі, Худай Худы тигіриблерге ниме тіпчеткенін, иссін».

Тигірде пазырғаны

4 Анаң мин, өөр харах тастап, тигірде азыл парған ізікті көр салғам, пырғы табызы осхас, алындох искен үн, тізең, мағаа теен:

– Сых пеер, мин сағаа, мының соонаң ниме пол парарын көзіт пирербін.

² Пір саңай Худайның Худы мағаа тол парыбысхан, тигірде, тізең, үлгү сіреезі турған, анда Кем-де одырчатхан. ³ Ол үлгү сіреезінде Одырчатханы аарлығ яшма паза сердолик тастар чілі чалтырапчатхан. Үлгү сіреезінің ибіре изумруд осхас тигір хуры полған. ⁴ Ол үлгү сіреезінің ибіре чибіргі төрт үлгү сіреезі. Анда ах кип-азахтығ чибіргі төрт ах сағал, пастарына алтын венок кис салып, одырған. ⁵ Иң өөн үлгү сіреезінең чалыннар сағылысчатханнар, күгүрт күзүрепчеткен паза табыстар истілчеткеннер.

Үлгү сирезінің алнында читі чарытхы көйчө. Ол Худайдан сыххан читі хут. ⁶Үлгү сирезінің алнында кристалл осхас сүйөйкө талай.

Үлгү сирезінің ортызында паза ибیره төрт аң. Аңнарның алныларында паза арғаларында харахтар. ⁷Пастағы аң ала парысха төөй полған, икинчизи – пуғачахха, үзінчизи – кизи сырайлығ, төртінчизи, тізен, учухчатхан хара хусха төөй полған. ⁸Төрт аңның полғанының на ибیره алтылар ханат паза істі-тастында харахтар полғаннар. Ол аңнар хараа-күнөрте тохтабин хысхырысчалар:

– Ах-арығ, ах-арығ, ах-арығ өөркі Чайаачы,

Прай нимедөң күстіг Худай!

Ол полған, пар паза килер!

⁹Аңнар үлгү сирезінде одырчатхан, хачан даа тіріг Худайға сабланыс, аарлас паза алғыс сөстерін хысхырчатхан туста, ¹⁰чибіргі төрт ах сағал, үлгү сирезінде одырчатхан Худайның алнында, түндере түзіп, хачан даа тіріг Худайға пазырчалар. Постарының венотарын, Аның үлгү сирезінің алнына салып, чоохтапчалар:

– ¹¹Өөркі Чайаачы,

Пу тилекейде прай ниме Синнен

паза Синнің көңніңче чайалғаннар,

Син сабланысха, аарласха паза үлгее турыстығзын.

Пічік паза Хураған

5 Аңан мин үлгү сирезінде одырчатхан Худайның оң холында ікі саринаң пазыл парған паза читі таңманаң чаба пазылған пічікті көр салғам. ²Мин күстіг ангелні көр салғам. Ол хысхырып сурған:

– Кем, пу таңмаларны суурып, пу пічікті азыбызарға турыстығ?

³Че тигірде дее, чир үстүнде дее, чир алтында даа, ол пічікті азып, аның істінзер көрібізер кизи табылбаан. ⁴Ол пічікті азып, анда пазылған нимені хығырарға турыстығ кизи табылбаанына мин тың ылғаам. ⁵Андада ах сағалларның пірси мағаа теен:

– Ылғаба! Көр, Иуданың* сөөгіне кірчеткен Давидтің* төлінең сыххан ала парыс чиніс тутты. Аның, читі таңманы суурып, пу пічікті азар үлгүзи пар.

* 5:5 Иуда Иаковтың 12 оолғының пірси. Аның сөөгінең Мессий сығар полған.

* 5:5 Иуданың сөөгінең сыххан Давид Худайның иң хынчатхан Израиль ханы полған. Аның төлінең Мессий сығар полған.

⁶ Андада мин үлгү сирезінің ортызында турчатхан Хурағанны көр салғам. Ол тайыға соғылған малға төөй полған. Ол пайаағы төрт аңның паза ах сағалларның аразында турған. Хурағанның читі мүўзі паза читі харағы пар полған. Ол харахтар Худайның прай чир үстүне ызылған читі худы полған. ⁷ Хураған, пас парып, үлгү сирезінде одырчатхан Худайның оң холынаң пічікті алып алған. ⁸ Ол аны алып алғанда, төрт аң паза чибіргі төрт ах сағал Хурағанның алнында тўндере тўскеннер. Оларның полғанының на холында хомыс паза тадылығ чыстығ оттығ алтын чірче полған. Ол тадылығ чыстығ оттар ах-арығ кизілернің Худайны сабландырчатхан сөстернең пазырғанын таныхтапчалар. ⁹ Олар, Аны махтап, наа сарын сарнап сыхханнар:

– Син тайыға салылғазың, Син пісті Позыңның ханыңнаң полған на сөөктен, аймах тиллерден, аймах чоннардан,
аймах төллерден

сыхан кизілерні Худайға, садып алып, пиргезің
Аннаңар Син, пу пічікті алып,
аның таңмаларын суурыбызарға турыстығзың!

¹⁰ Син пісті Худайның ханнары паза абыстары ит салғазың,
Олар чир үстүнде үлгү тударлар!

¹¹ Анаң мин ах сағалларның, пайаағы аннарның паза үлгү сирезінің ибіре көп ангеллерні көргем паза оларның үннерін искем. Ангеллернің саны нинче-нинче муң полған. ¹² Олар өтіг үннең чоохтанғаннар:

– Тайыға соғылған Хураған
үлгүні, ис пайны, пілісті, күсті,
аарласты, сабланысты паза алғасты^c алып аларға турыстығ!

¹³ Анаң мин тигірдегі, чир үстүндегі, чир алтындағы паза талайдағы прай тіріг нимелернің хысхырысчатханнарын ис салғам:

– Үлгү сирезінде одырчатхан Худайға паза Хурағанға
алғас, аарлас, сабланыс паза үлгү
хачан даа ползың!

¹⁴ Анаң төрт аң теен:

– Аминь!

Ах сағаллар, тўндере тўзіп, пазырғаннар.

Алты таңманы суурғаны

6 Анаң Хурағанның читі таңманың пастағызын суурыбысханын көр салғам. Соонаң төрт аңның пірсінің, күгүрт чили күзүреп, чоохтанғанын ис салғам:

– Кил паза көр!

² Мин ах атты көр салғам! Атха мўнген кізі ух-чаалығ паза чи-нісчее пирілчеткен венуктығ полған. Ол, чиңісчі чили, чиңіс тударға сыххан.

³ Хураған ікінчі таңмазын суурыбысханда, ікінчі аңның чоохтанғанын ис салғам:

– Кил паза көр!

⁴ Анаң чигрен ат сых килген. Атха мўн салған кізее, удур-төдір өдіріссіннер тіп, амыр хоныхты чир үстўнен чох идібизерге үлгү пирілген. Ідөк ағаа улуғ хылыс пирілген.

⁵ Хураған үзінчі таңмазын суурыбысханда, үзінчі аңның чоохтанғанын ис салғам:

– Кил паза көр!

Мин хара атты көр салғам. Атха мўнген кізі холында весы тудын салтыр. ⁶ Анаң төрт аңның аразынаң истілчеткен үннi ис салғам:

– Пір ле хиникс* пуғдай алай ба үс ле хиникс ас пір динарийге, пір күннің чал ахказына. Олива хайахтың паза хызыл арағаның паазын алыстырба!

⁷ Хураған төртінчі таңмазын суурыбысханда, төртінчі аңның чоохтанғанын ис салғам:

– Кил паза көр!

⁸ Мин пора тўктіг атты көр салғам. Атха мўнген кізінің ады «Өлім» полған. Аның соонча «Чир тўбі» тіп аттығ ниме парған. Чир үстўнін төртінчі чардығында – кізілерні хылыснаң, өзөгіснен, ағырығларнаң паза ачын аңнарнаң чох идерге – үлгү пирілген ағаа.

⁹ Хураған пизінчі таңмазын суурыбысханда, тайығ салчаң орынның алтында Худай сөзін киречілееннері үчўн өдірткен кізілернің хуттарын көр салғам. ¹⁰ Олар тың хысхырысханнар:

– Ах-арығ, сын Хан Худай^c! Ноға амға теере пістің өлімібіс үчўн, чир үстўнде чуртапчатхан кізілердең өс алып, оларны чарғылабинчазың?

* ^{6:6} *Хиникс* – гректерде пір килограммға килісче.

¹¹ Оларның полғанына ла ах узун көгенек пирілген. Оларох чили өдірт салар арғыстарының паза харындастарының саны толғанча, амырап, көмес сахтап аларға чахығ пирілген.

¹² Хураған алтынчы таңмазын суурыбысханда, чир үстүнің уғаа тың тіпери түскенін көр салғам. Күн хара көгенек чили харал парыбысхан, ай, тізең, пүкүлее, хан чили, хызыл пол парыбысхан. ¹³ Тигірдегі чылтыстар, ағастың читіре пыспаан чистектері улуғ чилге тоолапчатхан чили, чирге түс парғаннар. ¹⁴ Тигір, чачын чили, түріл парыбысхан, прай тағлар, олтырых чирлер, тізең, постарының орыннарынаң тибіреп парыбысханнар. ¹⁵ Чирнің ханнары, пиглери, чаачылар пастыхтары, пайлар паза үлгүдегілер, хуллер паза пос чуртапчатханнар – прай кизилер тағлар өзеннерінде паза хуюларда чазынғаннар. ¹⁶ Олар тағларға паза хайаларға хысхырғаннар:

– Пістің үстүбіске инзерілінер, үлгү сиреезінде одырчатхан Худайның паза Хурағанның өкпеленізінең пісті чазырыбызыңар!

¹⁷ Аның өкпеленчең илбек күні чит килді нооза. Кем ағаа сыдас полар?

Чоннар Худайның алнында

7 Анаң мин төрт ангелни көр салғам. Олар, чирнің төрт пулиинда туруп, чил чирзер дее, талайзар даа, пір ағасха даа үбүрбезін тіп, чирнің төрт чилін тутханнар. ² Тіріг Худайның таңмазын тудын салған пасха пір ангелни көр салғам. Ол, искерде чоғар көдіріліп ала, чирге паза талайға үрег идерге пирілген үлгүліг төрт ангелге тыыда хысхырыбысхан:

– ³ Пістің Худайыбыстың нымысчыларының хамахтарына таңмалар турғызыбысханча, чирге дее, талайға даа, ағастарға даа үрег итпенер!

⁴ Мин иди таңмалатханнарның санын ис салғам. Оларның саны 144 муң кизи полған, олар Израильнің прай төллерінің кизилери полғаннар. ⁵ Иди Иуданың төлінең 12 муң кизи, Рувимнің төлінең 12 муң кизи, Гадтың төлінең 12 муң кизи, ⁶ Асирнің төлінең 12 муң кизи, Неффалимнің төлінең 12 муң кизи, Манассийнің төлінең 12 муң кизи, ⁷ Симеонның төлінең 12 муң кизи, Левийнің төлінең 12 муң кизи, Иссахарның төлінең 12 муң кизи, ⁸ Завулонның төлінең 12 муң кизи, Иосифтің төлінең 12 муң кизи, Вениаминнің төлінең 12 муң кизи таңмалатхан.

⁹ Анаң көрзем, үлгү сиреезінің паза Хурағанның алнында санап тоосча чох көп чон турча. Олар полған на чоннаң, полған

на тілден, полған на сөөктен, полған на төлден сыххан кизілер полғаннар. Олар ах көгенектіг полғаннар, холларында, тізен, пальма ағастың салааларын тудын салтырлар. Олар тыыда хысырысханнар:

– ¹⁰Арачыланызыбыс үлгү сирезінде одырчатхан Худайыбыстаң паза Хурағаннан килче!

¹¹Прай ангеллер, үлгү сирезінің, ах сағалларның паза төрт анның ибіре турып, үлгү сирезінің алнында түндере түзіп, Худайға пазырып ала, чоохтан турғаннар:

– ¹²Аминь! Алғас паза сабланыс! Піліс паза алғыс! Аарлас, үлгү паза күс пістің Худайыбыста хачан даа ползын! Аминь!

– ¹³Кемнер пу ах көгенектіг кизілер? Хайдаң олар килгенер? – тіп сурған ах сағалларның пірсі миннен.

– ¹⁴Син позың пілчезің, – тіп нандырғам.

– Олар илбек чобағдаң сыхханнар, – теен ол мағаа андада. – Постарының көгенектерін Хурағанның ханында чууп, оларны ағартып алғаннар. ¹⁵Аннаңар олар, амды Худайның үлгү сирезінің алнында турып, Аның храмында хараа-күнөрте пазырчалар. Үлгү сирезінде одырчатхан Худай оларнаң хада полар. ¹⁶⁻¹⁷Үлгү сирезінің ортызында турчатхан Хураған, оларны хадарып, тіріг хара суғзар ал чөрер. Аннаңар олар паза өзөкпестер, сухсабастар, күн паза хайдағ даа ізіглер оларны өртебестер. Худай, тізен, оларның полған на харах чазын чызыбыс турар.

Читінчі таңманы суурғаны

8 Хураған читінчі таңмазын суурыбысханда, тигірде пірее чарым часча сымзырых турыбысхан. ²Худайның алнында турчатхан читі ангелні көр салғам. Ангеллерге читі пырғы пиріл партыр.

³Пасха пір ангел, пас киліп, холында алтын кадильница тудын салып, тайығ салчаң орынның хыринда тур салған. Ағаа прай ах-арығ кизілернің Худайны сабландырчатхан сөстерінең хада көп тадылығ чыстығ от пирілген. Ағаа ол отты үлгү сирезінің алнында турчатхан тайығ салчаң алтын орынзар сал саларға кирек полған. ⁴Ах-арығ кизілернің Худайны сабландырчатхан сөстерінең хада оттың ызы ангелнің холынаң Худайзар көдірілген. ⁵Анаң ангел, кадильницаны алып, аны тайығ салчаң орындағы ізіг көстернең толдырып, чир үстүнзер тастабысхан. Андада чир үстүнде табыстар истіліп, тигір күзүреп, чалыннап, чир тітіри түскен.

Пырғылар

⁶Читі пырғылығ читі ангел пырғы тартарға тимненібіскен.

⁷Пастағы ангел пырғы тартыбысхан. Чалыннап кӱйчеткен от паза миндір ханнаң арали чирзер чаап сыхханнар. Ағастарның үзінчі чардығы паза көк от прай кӱй парған.

⁸Ікінчі ангел пырғы тартыбысхан. Улуғ тағ осхас кӱйчеткен ние талайзар тасталған паза талайның үзінчі чардығы хызыл хан пол парған. ⁹Пиди талайда чуртапчатхан тынның нимелернің үзінчі чардығы ӱл парған, пар чох керіптернің үзінчі чардығы, тізең, кӱй парған.

¹⁰Үзінчі ангел пырғы тартыбысхан. Ағын суғларның үзінчі чардығынзар чалыннап кӱйчеткен чарытхы осхас улуғ чылтыс тигірдең тӱс парған. ¹¹Ады ол чылтыстың Ачығ полған. Аннаңар суғларның үзінчі чардығы ачығ пол парған. Ол суғлар ачығ полғаннаңар, чир үстӱндегі чоннарның аразында көп кізі ӱл парған.

¹²Тӱртінчі ангел пырғы тартыбысхан. Кӱннің үзінчі чардығы, айның үзінчі чардығы, чылтыстарның даа үзінчі чардығы хырылып, чарыхтың үзінчі чардығы пӱлес пол парыбысхан. Иди кӱннӱрткінің паза хараазының үзінчі чардығы чарии чох пол парған.

¹³Мында мин тигірче пӱзік учухчатхан ангелні көр салғам паза аның тыыда хысхырчатханын ис салғам:

– Тӱрчедең халғанчы ӱс ангелнің пырғылары тапсир! Олардан чир үстӱнде чуртапчатхан чоннарға хыйал, хыйал, хыйал!

Пизінчі пырғы тапсааны

9 Пизінчі ангел пырғы тартыбысхан. Мин тигірдең чирзер тӱс парған чылтысты көр салғам. Ол чылтысха тӱбі чох чирнің клӱзі пирілген полған. ²Чылтыс тӱбі чох чирні азыбысханда, андартын, улуғ пестең чили, ыс сых килген. Ол ысха тигір паза кӱн харал парғаннар. ³Ол ыстаң чир үстӱне сарысхалар сыххлап килгеннер. Оларға скорпионнарның кӱзі осхас кӱс пирілген. ⁴Оларға чирнің көк одын, ӱзімін, ағазын ӱредерге чарадылбаан, че хамағында Худай таңмазы чох кізілерні ле сағарға чарадылған. ⁵Сарысхаларға кізілерні, ӱдірбин, пис ай иреелирге чарадылған. Оларға сахтырған кізілер, скорпионнарға сахтырған чили, тың ирееленедірлер. ⁶Ол кӱннерде кізілер ӱлімні тілирлер, че аны таппастар паза ӱл парарға сағынарлар, че ӱлім олардаң тизібізер.

⁷ Ол сарысхалар чааға тимнел парған аттарға төөй полғаннар. Оларның пастарында алтын веноттарға төөй нимелер полғаннар, чүстері, тізең, кізі сырайлары осхас полғаннар. ⁸ Оларның састары ипчилернің састарына төөй полғаннар, тістері, тізең, ала парыстың тістері осхас полғаннар. ⁹ Оларның хуйахтары тимір осхас полғаннар, ханаттарын сабынчатсалар, тізең, чааға парчатхан көп хаңаалығ аттар чили нызырасханнар. ¹⁰ Оларның, скорпионнарни осхас, сахчаң іңеліг хузурухтар полған. Ол хузурухтарда кізілерні пис ай сахчаң күс полған. ¹¹ Оларның ханы түбі чох чирнің ангелі полған. Аның ады еврей тілінде Аваддон, грек тілінде, тізең, Аполлион полған. Аполлион «өдірігчи» тееңі полча.

¹² Пир хыйал ирт парыбысты, че мына ікінчи хыйал киліп одыр.

Алтынчы пырғы тапсааны

¹³ Алтынчы ангел пырғы тартыбысхан. Мин Худайның алнында турчатхан тайығ салчаң алтын орынның төрт мүүзі аразынаң сыхчатхан үнни ис салғам. ¹⁴ Ол үн пырғы тутчатхан алтынчы ангелге теен:

– Илбек Евфрат суғның хазында палғат салған төрт ангелни позыдыбыс!

¹⁵ Иди, чоннарның үзінчи чардығын чох ит саларға тіп, төрт ангелни, пу тусха, пу күнге, пу айға паза пу чылға тимде тудып, позыдыбысханнар. ¹⁶ Оларның чалаң чаачыларының саны 200 миллион полған. Мин оларның саннарын искем. ¹⁷ Мин пу аттарны паза чаачыларны түзімдегі ле чили көргем. Чаачыларның хуйахтары чалыннапчатхан от осхас хызыл, аарлығ гиацинт тас осхас көгілбей паза сера осхас сарығ полғаннар. Аттарның пастары ала парыстарни осхас полғаннар, паза ахсыларынаң чалын, ыс паза сера сыххан. ¹⁸ Чалын, ыс паза сера – пу үс чобағ, оларның ахсыларынаң сығып, чоннарның үзінчи чардығын чох ит салғаннар. ¹⁹ Ол аттарның күзі ахсыларында паза хузурухтарында полған. Олар чылан пазы осхас устығ хузурухтығ полғаннар. Олар кізілерге хузурухтары пастарынаң сайбағ иткеннер.

²⁰ Кізілернің халғаннары, тізең, ол палығлардаң үребееннері, постарының иткен киректерінең хыйа полбааннар. Олар алтыннаң, күмүстен, холадаң, тастан паза ағастаң кирткен худайларына

паза айналарына^с идок ле пазыр турғаннар. Ол хурайлар көрбиндеечелер, испиндеечелер, пас чөрбиндеечелер. ²¹Ол кизилер кизи одирерин, сыбырағ, толки киректерин, чөреечи хылыхтарын паза оғырлырын тастабааннар.

Холында пичик тудын салған ангел

10 Анаң мин тигірдең түсчеткен уғаа күстіг ангелни көр салғам. Ол позы пулутнаң прай туу тартыл парған полған, аның пазының үстүнде, тізең, тигір хуры чараан. Аның сырайы күн осхас, азахтары чалыннап көйчеткен ағас осхас полғаннар. ²Ангел позының холында азых пицигес тутхан. Ол оң азағынаң талайға, сол азағынаң чирге пас салған. ³Ол, ала парыс орлаан чили, чоон табыснаң тың хысхырыбысхан. Ол хысхырыбысханда, тигір чити хати күзүреен. ⁴Чити күгүрт күзүреен соонда, мин пазарға тимнен салғам, че тигірдең: «Чити күгүрт искиргенин чазытта тут, аны пичикке паспа», – тип чоохтанған үнни ис салғам. ⁵Анаң азахтарынаң талайда паза чирде турчатхан ангел, оң холын тигірзер көдірібізіп, ⁶⁻⁷тигірни паза андағы прай нимелерни, чирни паза андағы прай нимелерни, талайны паза андағы прай нимелерни чайап салған паза хачан даа тигірі Чайаачының адынаң сөс пирген:

– Паза тус полбас! Читинчи ангел пырғызын тартар күннерде Худай Позының нымысчы ухаанчыларына искирген чазыт пөгинин толдырар.

⁸Анаң тигірдең мағаа истілген үн, пазох миннең чоохтазып, теен:

– Парып, талайда паза чирде турчатхан ангелниң холынаң азых пицигести алып ал.

⁹Ангелзер пас килип, аннаң, пицигести мағаа пирибиссин тип, сурынғам.

– Мыны, алып, чибис. Ол синиң истинде ачығ, ахсында, тізең, мөөт осхас тадылығ полар, – теен мағаа ангел.

¹⁰Мин, ангелниң холынаң пицигести алып алып, чибискем. Ахсымда ол мөөт осхас тадылығ полған, азырыбысханымда, тізең, истимде ол ачығ пол парған. ¹¹Анаң ол мағаа теен:

– Сағаа көп чоннардаңар, төллердеңер, тиллердеңер паза ханнардаңар хатабох ухаанчылирға килізер.

Икі киречи

11 Анаң мағаа узун тайах осхас синечең ағас пирілген паза чоохталған:

– Пар, Худай храмын паза тайығ салчаңны синебіс, пазы-рарға килген кізілерні дее санабыс. ²Че храм сиденінің істін синебе. Ол Худай пілбинчеткен чоннарға пирілген. Олар ызых^c саарны 42 ай типсирлер. ³Мин Позымның ікі киречиме кўс пирербін, олар, хара көгенек кизіп, 1260* кўн ухаанчылирлар.

⁴Ол киречілер – чир үстүнің Худайының алнында турчатхан ікі олива ағазы паза ікі чарытхы. ⁵Пирее кізі ол киречілерні хомзындырарға харасса, оларның ахсыларынаң чалынның от сых киліп, ыырчыларын чох идібизер. Пирее кізі оларны хомзындырарға итсе, ағаа ол парарға килізер. ⁶Ухаанчылапчатхан туста наңмыр чағбазын тіп, оларға тигірни чабызарға үлгү пирілген. Оларға хынған сай, суғларны ханға айландырып, чирдегілерні аймах ағырығларнаң, саайларнаң чох идерге үлгү пирілген.

⁷Олар ухаанчылырын тоос салзалар, түбі чох чирдең аң сых килер. Ол пу киречілернең харбазар, анаң оларны чиніп, өдір салар. ⁸Оларның сөөктері илбек саарның орамазында чадарлар. Ол саар, поэнының адынаң адалбин, өнетін «Содом»* алай «Египет»* тіп адалған. Анда Хан-пигібіс^c хазаттырт салған. ⁹Аймах чоннарның, төллернің, тіллернің паза уйаларның кізілері оларның сөөктерін-зер үс кўн чарым көрерлер, сөөктерні, тізең, чыырға чаратпастар. ¹⁰Пу ікі ухаанчы чир үстүндегі кізілерні иреелееннер, аннаңар кізілер оларның өліміне өрінерлер, үлүкүннирлер, удур-төдір сыйлазарлар. ¹¹Че үс кўн чарым ирт парғанда, Худайдаң килген паза чуртас пирчеткен хут пу киречілерзер кір парған. Олар, тізең, тур килгеннер. Оларны көр турчатхан кізілер уғаа тың хорых парғаннар. ¹²Пу ікі кирече тигірзертін өтіг үн истілген:

– Öөрлеңер пеер!

* 11:3 1260 – пу сан 42 айға алай үс чыл чарымға тиңнелче. Көр: Иоанның азых чооғы 12:6; 12:14; 13:5.

* 11:8 Содом – Худай пу саарны анда чуртапчатхан чоннарның чазыхтары үчүн чох идібискен. Пу саардаңар Пурунғы Молчағдағы «Пасталғар» (Бытие) кинде 19.

* 11:8 Египет – Худай чоңының хул полып чуртапчатхан чирі. Пу нимеденер көр: Пурунғы Молчағдағы «Сығыс» (Исход) кинде 1–13.

Олар, пулутха кіріп, тигірзер көдіріл парыбысханнар. Оларнын ыырчылары пу нимені прай көргеннер. ¹³Олох туста чир тың тітіри түскен, саарнын онынчы чардығы инзеріл парған. Чир тітіреенге читі муңча кізі ол парған. Пасхалары, тың хорых парып, Тигірниң Худайын саблааннар.

¹⁴Ікінчі хыйал ирт парыбысты, че мына үзінчі хыйал табырах киліп одыр.

Читінчі пырғының тапсааны

¹⁵Читінчі ангел пырғы тартыбысханда, тигірде өтіг үннер истіле түскеннер:

– Чир үстү өөркі Чайаачыбыстың паза Аның Мессийінің хан-чирі^c пол парды. Мессий, тізең, хачан даа үлгү тудар!

¹⁶Худайның алнындағы үлгү сіреелерінде одырчатхан чибіргі төрт ах сағал, түндере түзіп, Худайға пазырғаннар. ¹⁷Олар чоохтанғаннар:

– Өөркі Чайаачы, Син полған, полчатхан паза килер

Прай нимеден күстіг Худайыбыссын.

Илбек үлгүні алып,

Хан улыбысханың үчүн,

Сині ағыстапчабыс.

¹⁸ Худайы чохтар чабаллан сыхханнар,

Синің дее өкпеленер тузың читті,

өліглерні чарғылир тузың читті.

Позыңның нымысчыларыңны, ухаанчыларыңны,

ах-арығ кізілеріңні,

Сині улуғлапчатхан олаңай паза саблығ кізілерні

сыйыхтир тузың читті.

Чирні чох итчеткен кізілерні чох идер тузың читті.

¹⁹Андада тигірде Худайның храмы азыл парған. Храма Аның молчағлығ абдыразы көрін килген. Тигір чалыннап, табыстар истілгеннер, күгүрт күзүреп, чир тітіри түскен, улуғ миндір чаап сыххан.

Ипчі паза сыр чылан

12 Мына тигірде илбек танығ көрін килген – күнни кис салған ипчі кізі. Аның азахтарының алтында ай полған, пазында, тізең, он ікі чылтыстаң иділген венек. ²Ол ипчі тойлығ полған, төрідер алнында, ирееленіп, тың хысхырған.

³Анаң тигірде пасхох танығ көрін килген — читі пастығ, он мүүстіг паза пастарында читі короналығ улуғ хызыл сыр чылан
⁴Ол хузуриинаң тигірдегі чылтыстарның үзінчі чардығын чирзер күребіскен. Ипчі пала таап алзох, ол паланы азырыбызарға тіп, сыр чылан тойлығ ипчінің алнында турған. ⁵Ипчі чир үстүндегі чоннарны тимір үлгү тайағынаң устачаң оол паланы таап алған. Пала төреендөк, аны Худайзар, үлгү сіреезінің хыринзар, хаап чөрібіскеннер. ⁶Ол ипчі, тізең, хуу чазызар чүгүр парыбысхан. Анда Худай аны 1260 күн азырир орын тимнеп салған.

Улуғ ангел Михаил

⁷Тигірде чаа пасталыбысхан. Пир саринда улуғ ангел Михаил паза аның ангеллері, паза пир саринда, тізең, сыр чылан поэзының ангеллерінең хада олардан тоғыр чааласхан. ⁸Че сыр чылан ангеллерінең хада чиндірт салған, аннаңар тигірде оларға орын паза чох полған. ⁹Ол илбек сыр чылан — пурунғы чылан полған, аны диавол алай сайтан тіп адапчалар. Прай чир үстүндегі чоннарны алаахтырчатхан сыр чылан поэзының ангеллерінең хада чирзер тастатхан.

¹⁰Тигірде мин өтіг үн ис салғам:

— Амды Худайыбыстың арачыланызы, күзі, хан-үлгүзі^c паза Аның Мессийінің үлгүзі чиде түсті! Худайның алнында харындастарыбысты хараа-күнөрте пыролапчатхан сайтанны аңдарыбыстылар! ¹¹Олар сайтанны Хурағанның ханынаң паза постарының киречіленіс сөзінең чиңіп алғаннар. Олар постарының тыннарын даа айбааннар, өлімнең дее тиспееннер. ¹²Өрініңер зе тигірдегілер! Чирде паза талайда чуртапчатханнарға хыйал поллар, сайтан оларзар түсті нооза! Поэзының тузының асхынах халғанын піліп, ол улуғ өкпеде!

Сыр чыланның чабалланғаны

¹³Сыр чылан, поэзының чирге тастатханын көр салып, оолахты төрйткен ипчіні сүріс сыххан. ¹⁴Сыр чыланнаң тизіп, хуу чазыда тимнелген орынзар учух парыбыссын тіп, ипчее улуғ хара хустың ікі ханады пирілген. Анда ол ипчіні үс чыл чарымча азырир полғаннар. ¹⁵Ол ипчіні ағыс парыбызарға тіп, сыр чылан поэзының ахсынаң ахчатхан суғны поэзыдыбысхан. ¹⁶Че чир ол ипчее полыс пирген. Чир, ахсын азыбызып, сыр чылан поэзытхан суғны азырыбысхан. ¹⁷Сыр чылан, ол ипчее уғаа чабалланыбызып,

Худайның чахиин толдырчатхан паза Иисус Христостанар киречіленісті хайраллапчатхан ипчінің пасха палаларынаң тоғыр чаалазарға парыбысхан.

Талайдаң сыххан аң

13 Мин, талай хазында тур салып, талайдан читі пастығ паза он мүүстіг аңның сыхчатханын көр салғам. Мүүстерінде он корона полған паза пастарында Худайны сөклепчеткен аттар пазыл парғаннар. ²Мин көрген аң чохыр аңа төөй полған. Азахтары абани, ахсы ала парысти осхас полған. Сыр чылан ағаа поэының күзін, поэының үлгү сиреезін паза поэының илбек үлгүзін пирибіскен. ³Ол аңның пір пазының, пастап өлім палығылығ осхас полып, соонаң чазыл парғанын көр салғам. Чир үстүндегі прай чоннар, ол аңа хайхап, аның соонча парғаннар. Аңаң ол аңа үлгү пирген сыр чыланға пазырғаннар. ⁴Олар, ол аңа пазырып, чоохтанғаннар:

– Пу аңа төөй пасха тіріг ниме пар ба ни? Кем аннаң харбарға тидінер?

⁵Ол аңа махтанчатхан паза Худайны хырысчатхан ахсы пирилген паза 42 ай хайынарға үлгү пирилген. ⁶Ол аң Худайны, Аның адын, Аның полчатхан орнын паза тигірдегі прай чуртағчылары сөклирге ахсын асхан. ⁷Ағаа идөк ах-арығ кизілернең чаалазарға паза оларны чинерге чарадылған. Ағаа полған на төлнең, чоннаң, тілнең паза сөөкнең устирға үлгү пирилген. ⁸Чир үстүндегі чуртас пічиине аттары пазылбаан прай кизілер ол аңа пазыралар. Ол чуртас пічии чир үстү чайалар алнындох пазыл парған паза тайыға салылған Хурағанни полған.

⁹Истіп пілчеткен кизи, иссин! ¹⁰Кем пасхаларын, хул идіп, пазынча, ол поэы хул полар. Кем хылыснаң кизілерні өдірче, ол поэы хылыснаң өдіртер. Ах-арығ кизілер сыдамах паза сын киртиністіг поларға киректер.

Чирдең сыххан аң

¹¹Аңаң мин чир алтынаң сыхчатхан пасха аңны көр салғам. Аның хурағанни осхас ікі мүүзи пар полған, ол аң сыр чылан чили чоохтанған. ¹²Чирдең сыххан аң, талайдаң сыххан аңның прай үлгүзінең тузаланып, аның алнындох хайынча. Прай чир үстүндегілерні, тізең, талайдағы өлім палии чазыл парған аңа пазыраларға күстепче. ¹³Ол илбек хайхастар^c итче: прай кизілернің

көзіне чалыннап күйчөткөн отты даа тигірден чирзер түзірче. ¹⁴Ол чир үстүндегі кизилерни талайдаң сыххан аңның алнында идилчөң хайхастарынаң алаахтырча. Хылыснаң сала өдіртпеен, че ам даа тіріг пастағы аңның омазын хоостап саларға кизилерге чоохтапча. ¹⁵Пастағы аңның хоосталған омазы чоохтан ползын тіп, паза ағаа пазырбаан полған на кизини өдір ползын тіп, чирдең сыххан аң ол оманы тірлдірчөң күс пирілген. ¹⁶Чирдең сыххан аң прай кизилерни, саблығ паза олаңай кизилерни, пайларны паза чохтарны, хулларны паза пос чуртастығларны оң холларына алай хамахтарына таңма турғыстырып аларға күстөпче. ¹⁷Андағ таңма чох кизи пір дее ниме сат полбас паза ал полбас. Ол таңмада аңның ады алай аңның адын таныхтапчатхан сан полча.

¹⁸Анзы күлүк сағыс кирексіпче. Кем хыйға, ол аңның санын санап, таап алзын. Ол сан пір кизиниң адын таныхтапча – 666.

Сион тағдағы сарын

14 Мында мин Хурағанның Сион тағда турчатханын көр салғам. Аннаң хада 144 муң кизи полған. Оларның хамахтарында Хурағанның паза аның Пабазының аттары пазыл парған полғаннар. ²Мин көп суғлар ахчатхан паза күгүрт күзүрепчөткөн осхас үнни тигірдең ис салғам. Идөк ол үн хомыстар хахчатхан кизилерниң үннерине төйи полған. ³Олар үлгү сиреезиниң, төрт аңның паза ах сағалларның алнында наа сарынны сарнапчатханнар. Пу сарынны прай чоңнардаң толығ төлеп алылған 144 муң кизидең пасха пирдеези сарнап полбаан. ⁴Олар постарының чуртастарында, ипчилернең чөрбин, арығ чуртааннар. Олар, Хураған хайдар парза, андар Аның соонча чөргеннер, Худайның паза Хурағанның тун палалары полып, чирдең толығ төлеп алылғаннар. ⁵Худайның көзіне оларның чоохтарында пір дее чой ниме чох полған, паза олар ах сағыстығ полғаннар.

Ўс ангел

⁶Анаң мин, прай чир үстүндегі кизилерге, полған на сөөкке, полған на төлге, полған на тілге, полған на чоңға, хақан даа сын Чахсы Хабарны искирерге тіп, тигірче пөзик учухчатхан пасхох ангелни көр салғам. ⁷Ол өтиг үннең хысхырған:

– Худайның чарғы итчөң тузы чит килгеннеңер, Худайны аарлаңар паза сабландырыңар! Тигірни, чирни, талайны паза хара суғларны чайап салған Худайға пазырыңар!

⁸ Аның соонча ікінчі ангел учуххан. Ол хысхырған:

– Инзерілген! Инзерілген илбек Вавилон^c саар! Ол поэның хазыр, чөреечі, хызыл арағазынаң прай чоннарны суғар салған.

⁹ Оларның соонча үзінчі ангел учуххан. Ол тың хысхырған:

– Кем талайдаң сыххан аңа паза хоосталған омазына пазырча, паза кем поэның холына алай хамағына аның таңмазын турғыстырып алча, ¹⁰ ол тарығыс, хазыр, хызыл арағаны ізер. Ол араға Худайның өкпеленіс чірчезіне урылған полған. Аны іскен кізі ах-арығ ангеллернің паза Хурағанның көзіне көйчеткен се-рада иреелееннер. ¹¹ Аңа паза аның хоосталған омазына пазырған, идөк аның адының таңмазын турғыстырып алған кізілер хараа-күнөрте амыр чуртас пілбестер, паза оларны иреелепеткен оттың ыстары нинче-нинче чүс чылға көдіріл турар.

¹² Ах-арығлар, Худайның чахығларын толдырчатханнар паза Исустың ізестіг кізілері сыдазарға киректер.

¹³ Аңаң тигірдең чоохтанған үнни ис салғам:

– «Амғы тустаң сығара, Хан Худайға киртініп, өлім алчатханнар часкалығлар» тіп, пас сал.

– Йа, – тіпче Худай Худы, – олар постарының аар тоғыстарынаң тынанарлар, оларның киректеріне паалағ полар.

Чирдегі асты кискені

¹⁴ Мин алнымда ах пулутты көр салғам. Ол пулутта Кізі Оолгына төөй Кем-де одырған. Аның пазында алтын венек полған, холында, тізең, чітіг орғах тутхан. ¹⁵ Аңаң тигірдегі храмнаң пазох пір ангел, сых киліп, пулутта Одырчатханға хысхырған:

– Чирдегі тамах пыс парып, тамах кизер тус чит килгенненер, орғағыңны алып, тамах кизерін паста!

¹⁶ Аны истіп, пулутта Одырчатханы, чир үстүнче орғағынан саап, тамахты кизібіскен.

¹⁷ Аңаң тигірдегі храмнаң пассох ангел сых килген. Аның холында чітіг пычах полған.

¹⁸ Аңаң чалынның оттың ээзі полчатхан ангел тайығ салчаң орыннаң сых килген. Ол ангел чітіг пычахтыг ангелге хысхырған:

– Чирдегі виноградтарның чистектері пыс парғаннаңар, чітіг пычағың алып, оларны кизібіс.

¹⁹ Ангел, пычағынан чир үстүнче саап, виноградты кизібіскен. Аны кизе саап, виноград сүзүнін сығара пасчаң улуғ сапчаксар тастабысхан. Ол Худайның өкпеленізінің сапчағы полған.

²⁰ Виноград саар тастындағы сапчакта сыға пазылған. Сыға пазылған хан, сапчактаң азыра ағып, 1600 стадийче* чайылған паза тирее аттың чүгеніне читіре көдірілген.

Чуми айах

15 Мин тигірде пасхох илбек паза хайхастығ танығ көр салғам: халғанчы читі чобағны тутчатхан читі ангелні. Худайның өкпеленізі тоозылчатханнаңар, олар халғанчы чобағ полғаннар.

² Идök мин чалынның отнаң поралас парған сүлейке талай осхас ниме көр салғам. Ол сүлейке талайның хазында аңны, аның хоостал парған омазын паза аның ады-солазын таныхтапчатхан санны кизілер чиңип алғаннар. Олар, Худайның хомыстарын тудынып алып, турчалар. ³ Олар Худай нымсычызы Моисейнің^c паза Хурағанның сарынын сарнапчалар:

– Илбек паза хайхастығ Синің иткен киректерің,

өөркі Чайаачы, Прай нимедең күстіг Худай!

Син Ах-арығ кизілеріңнің Ханы!

Синің чолларың орта паза сын!

⁴ Хан Худай, Син не чалғыс ах-арығзың,
Сині аарлабаан паза Сині саблабаан кизі пар ба ни?

Синің чарғыларың азылғаннаңар,

Прай чоннар, киліп, Сағаа пазырарлар.

⁵ Аның соонаң мин тигірде храмның ызык отағының* азыл парғанын көр салғам. ⁶ Читі чобағны ағылчатхан читі ангел храмнаң сых килген. Олар арығ паза аппағас кип-азахтығ паза иңнілерінең көксілеріңче кирести хурчан салған алтын хурлығ полғаннар. ⁷ Анаң төрт аңның пірси читі ангелге читі алтын айах пирглебіскен. Ол айахтарда хачан даа тіріг Худайның өкпеленізі полған. ⁸ Храмға Худайның сабланызының^c паза күзінің ызы тол чөрібіскен. Аның істінзер читі ангелнің читі чобаа, тарап, тоозылбаанда, пирдеезі кир полбинчатхан.

* 14:20 Пір стадий гректерде 185 метрге килісче. Аннаңар 1600 стадий 296 километрге килісче.

* 15:5 Отах – Пурунғы Молчагда көс чөрчеткен Израиль чоны тигіриб орнына улуғ отахта пазырчаңнар. Худай анда полчатханы таныхталча.

Худайның читі айахтағы өкпеленізінің төгілгені

16 – Парып, Худайның читі айахтағы өкпеленізін чир үстүне төгібізер! – тіп, читі ангелге храмнаң чоохтанчатхан өтіг үнни ис салғам.

² Пастағы ангел, парып, айағындағы нимені чир үстүне төгібіскен. Төгібіскендөк, анның таңмазын ал чөрчеткен паза аның омазына пазырчатхан кізілернің идінде уғаа чабал паза іріңнің палығлар сыххлап килгеннер.

³ Ікінчі ангел айағындағы нимені талайзар төгібіскен. Төгібіскендөк, талайдағы суғ өліг кізінің ханы осхас пол парыбысхан. Талайдағы прай тіріг ниме ол парған.

⁴ Үзінчі ангел айағындағы нимені ахчатхан суғларзар паза хара суғларзар төгібіскен. Төгібіскендөк, суғлар даа хан пол парғаннар. ⁵ Суғларның ангелінің чоохтанғанын ис салғам:

– Син полған, полчатхан ах-арығ Хан Худайзың! Кізілерні пиди чарғылааның орта. ⁶ Ах-арығ кізілернің паза ухаанчыларының ханын төккеннері үчүн, Син оларға хан ізерге пиргезиң. Олар ағаа турыстығлар.

⁷ Тайығ салчаң орыннаң чоохтанған үнни ис салғам:

– Йа, өөркі Чайаачы, прай нимеден күстіг Худай, Синің чарғыларың орта паза сын!

⁸ Төртінчі ангел айағындағы нимені күнзер төгібіскен. Күнге кізілерні өртир үлгү пирилген. ⁹ Кізілерні сыдасча чох изіг өртеен. Олар, тізең, Худайны сабландырар паза пыросынар орнына, пу чобағларны ысчатхан Худайны харғааннар.

¹⁰ Пизінчі ангел айағындағы нимені анның үлгү сирезіне төгібіскен. Ол анның чирінде харасхы пол чөрібіскен. Кізілер, ағырығларына сыдаспин, тіллерін ызырынғаннар. ¹¹ Олар тигірдегі Худайны постарының ирееленістері паза палығлары үчүн харғааннар, че постарының чабал киректерін тастабааннар.

¹² Алтынчы ангел айағындағы нимені илбек Евфрат суғзар төгібіскен. Төгібіскендөк, іскеркідегі ханнарға хуруғ чирче чол азылзын тіп, ол суғ соол парған. ¹³ Анаң мин сыр чыланның ахсынаң, анның ахсынаң паза чой ухаанчы анның ахсынаң ходырлығ пағаларға төөй үс чабал хуттың сых килгенін көр салғам.

¹⁴ Олар – танығлар көзітчеткен айналарның хуттары. Хуттар, Прай нимеден күстіг Худайның илбек күнінде полар чааға чир үстүндегі прай ханнарны чыып аларға тіп, ханнарзар парчалар.

¹⁵ «Мына мин, оғыр чіли, кинетін килербін. Чалаас чөрбес паза уйатха кірбес үчүн, узубинчатхан паза постарының кип-азахтарын тимде тутчатхан кізілер часкалығлар», – тіпче Иисус.

¹⁶ Ол хуттар прай ханнарны еврей тілінде Армагеддон тіп адалчатхан орынға чыып алғаннар.

¹⁷ Читінчі ангел айағындағы нимені киизер төгібискен. Тигірдегі храмның үлгү сіреезінең өтіг үн истілген:

– Толдырыл парды!

¹⁸ Сах андох тигір чалынни түскен, күгүрт күзүреен паза табыстар истіле түскеннер. Чир уғаа тың тітіреп сыххан. Кізілер чир үстүнде чуртааннаң сығара, чир пір дее іди тітіребееен полған. Уғаа тың тітіреп сыххан! Уғаа илбек тітірес! ¹⁹ Чирнің тітірееніне илбек саар үс чара чарыл парыбысхан, прай чоннарның саарлары инзерілгеннер. Худай илбек Вавилонны даа ундутпаан, тарыныс айағындағы өкпеленіс арағазын ағаа ізірткен. ²⁰ Прай олтырыхтар чіт парғаннар, тағлар даа чох пол парғаннар. ²¹ Кізілернің үстүне тигірдең илбек миндір чаап сыххан. Оларның полғаны пір талант* азыра полған полар. Миндірдең түскен чобағлар үчүн кізілер Худайны харғааннар. Ол чобағлар хара хорыстығ полғаннар.

Вавилонға чарғы түскені

17 Холларында айах тудын салған читі ангелнің пірсі, минзер пас киліп, чоохтанған:

– Кил пеер, көп суғлар аразындағы саарның, «уғаа чөреечі ипчінің», чарғыладарын көзіт пирербін сағаа. ² Чир үстүндегі ханнар ол ипчінең оралысханнар паза аның оралыссах арағазын чир үстүнде чуртапчатхан кізілер чоо іскеннер.

³ Анан, Худай Худының күзі мағаа тол парғанда, ангел мині хуу чазызар апарған. Анда мин хып-хызыл аң үстүнде одырчатхан ипчіні көр салғам. Ол аңның үстүнде Худайны сөклепчеткен аттар толдыра пазыл партырлар, ол аң читі пастығ паза он мүүстіг полған. ⁴ Ипчі аарлығ хып-хызыл кип-азахтығ полған паза аарлығ тастарнаң, алтыннаң, нинчінең чазан салтыр. Аның холында чиркестіг паза чөреечі тудынғанының кірінең толдырылған алтын чірче полған. ⁵ Ипчінің хамағында чазыт ады-солазы пазыл партыр: «Илбек Вавилон – оралыссах ипчілернің

* 16:21 *Пір талант* – гректерде 45 килограммға килісче.

паза чирдегі прай чиркестіг нимелернің инезі». ⁶Ол ипчі ах-арыг кизілернің паза Иисустың киречілерінің ханын чоо ізініп алған.

Мин, ол ипчіні көр салып, уғаа таңнаам. ⁷Ангел мағаа теен:

– Нимее син таңнапчазың? Мин сағаа пу ипчінің паза одырчатхан читі пастығ, он мүүстіг аңның чазыдын чоохтап пирербін. ⁸Син көрген аң тіріг полған, амды, тізең, ол чоғыл. Түрче полза, ол, түбі чох чирдең сых киліп, өлімге парар. Чир үстү чайалғандох, пазыл парған чуртас пічиине ады-солалары кірбеен кизілер, аңны көр салып, хайхап парарлар. Ол аң тіріг полған, анаң чох пол парған, анаң хатабох сых килер.

⁹Мынзы пілісті паза хыйға сағысты кирексіпче. Читі пас ол ипчі одырчатхан читі төң полча. ¹⁰Оларох читі хан полча. Оларның пизи чат халған, пірси ам даа үлгүде одырча, паза пірси, тізең, ам даа килгелек, килзе дее, үрге килбес. ¹¹Хачан-да тіріг полған, амды, тізең, чох пол парған аң читі ханнаң сыххан сигізінчізі полча. Ол өлімге парар.

¹²Син көрген он мүүс постарының үлгүлерін алғалах он хан полча. Че олар аңнаң хада хан-үлгүзін пір часха аларлар. ¹³Олар, пір пөгіннің полып, постарының күзін, үлгүзін аңа пирибізерлер. ¹⁴Олар Хурағаннаң чаалазарлар, че Хураған оларны утып алар. Ол пиглернің Пигі, ханнарның Ханы полча нооза. Аның хы-ғырған паза таллап алған сын чүректіг кизілері аннаң хадалар.

¹⁵Анаң ангел мағаа теен:

– Син чөреечі ипчі одырчатхан суғларны көргезің. Ол суғлар чир үстүндегі кизілер, чоннар, сөөктер паза аймах тіллер полчалар. ¹⁶Син көрген аңның он мүүзі чөреечі ипчіні хырт көрер. Аны үредер, хуба чалаас артызар, аның ит-сөөгін, чіп, отта өртир. ¹⁷Худай Позының көңнін, пір ле көннің толдырар сағысты оларның чүректеріне салған. Худайның сөзі толғанча, олар ханның үлгүзін аңа пирибізерге кирек полғаннар.

¹⁸Син көрген ипчі, тізең, чир үстүндегі ханнарның ханы полчатхан илбек саар.

Вавилонның иңзерілгені

18 Аның соонда тигірдең түсчеткен пазох пір ангелні көр салғам. Ағаа илбек үлгү пирилген полған, прай чир үстү аның сабланызы пызыңнаанына чараан. ²Ол тың өтіг үннең хысхырған:

– Иңзерілді! Иңзерілді Вавилон – илбек саар! Ол айнарларның чурты, полған на чабал хуттың турлаа, полған на кірліг,

чіксістіг хустың уйазы. Ол поэзының хатығ суғдыр арағазынан прай чоннарны суғар салған. ³Чир үстүндегі ханнар аннаң ора-лысханнар паза аның илбек пайына чир үстүндегі садығчылар пайааннар.

⁴Анаң мин тигірзертін пасхох үнни ис салғам:

– Чоным минін,
пу саарның чазых чуртазына араласпас үчүн,
аннаң хада чобағларға кірбес үчүн,
аннаң сығыбыс.

⁵ Аның чазыхтары тигірге теере үөл парғаннар,
Худай, тізең, аның сайбағларын сағыста тутхан.

⁶ Нинче ол саар сірерге пирген,
анчоҳ ағаа читір пириңер!
Аның киректері үчүн
ікі хати артых читір пириңер!
Ол сірерге тимнеен чірчее ікі хати хатығ араға
ағаа ур пириңер!

⁷ Нинче ол поэзы чырғаан паза сабланған,
анчоҳ чобағ паза ирее ағаа читір пириңер.
Ол поэзының істінде махтанча:
«Хан ипчі полып одырчам,
өкіс ипчі нимеспін,
чобағ көрбеспін!»

⁸ Аны чарғылапчатхан Хан Худай күстігденер,
ағаа пір күннің аразында
өлім, сыхтас, өзөгис чиде түзер,
поэзы, тізең, өртте көйер, – теен ол үн.

⁹Аннаң хада оралызып паза чырғап чуртаан чир үстүндегі ханнар, аның, көйіп, ысталчатханын көріп, ағаа ылғазып, сыхтазарлар. ¹⁰Олар, аның ирееленчеткенінең хорығып, оортахта турып, ылғазарлар: «Хыйал, хыйал сағаа, илбек Вавилон, пик паза пай саар! Пір ле час аразына сағаа чарғы чит килді!»

¹¹Чир үстүндегі садығчыларның ниме-нооларын пірдеезі паза садызып албинчатханнанар, олар ол саарға, ылғап, сыхтазарлар. ¹²Оларның алтыннарын, күмүстерін, аарлығ тастарын, нинчілерін, аймах аарлығ истерін паза торғыларын, аймах тадылығ чыстығ ағастарын, слон сөөгінең иткен полған на ниме-нооны, аарлығ ағастаң, чистең, тимірден паза мрамордаң иткен аймах ниме-нооларын, ¹³корицаларын, фимиамнарын, мироларын,

ладаннарын, арагаларын паза олива хайахтарын, уннарын, пуҕдайларын, малларын, хойларын, аттарын, ікі тегілектіг хаңааларын, хуллерын паза чаада холға кір парғаннарны пірдеезі паза албинча. ¹⁴ Олар саарға тіпчелер:

– Син хынчатхан нимелер паза чоғыллар. Синің прай пайың паза сабланызың синнең хыйа парыбысханнар. Син оларны паза таппассың.

¹⁵ Прай пу нимелерні сатхан паза аның сылтаанда пайаан садыҕчылар, саарның ирееленчеткенінең хорығып, ырахта турып, ылғап, сыхтазарлар:

– ¹⁶ Хыйал, хыйал, аарлығ кип-азахтығ, алтыннаң, аарлығ тастарнаң паза нинчілернең чазанған илбек саарға! ¹⁷ Пір ле час аразына мындағ пай ниме чох пол парды.

Прай керіптернің устаҕчылары, прай керіптерде чүс чөрчеткеннер, прай талайчылар паза талайда садығ итчеткеннер ырахтаң көр турғаннар. ¹⁸ Аның көйчеткен ызын көріп, олар хысхырысханнар:

– Пу илбек саарға төөй саар паза пар ба ни?

¹⁹ Олар пастарына күл тоолатханнар паза, ылғап-сыхтап, хысхырғаннар:

– Хыйал, хыйал сағаа, илбек саар, прай керіптіг кізілер синің аарлығ ниме-нооларыңа пайааннар! Пір ле час аразына син эән халдың! ²⁰ Пу саарның өлгеніне өрініңер тигірдегілер, Худайның илчілері, ухаанчылар! Ол саар сірерге хомай иткен үчүн, Худай ағаа чарғызын читірді!

²¹ Пір күстіг ангел, улуғ теербен тазы синче тасты хаап, талайзар тастап, теен:

– Мындағох күснең тасталар илбек Вавилон саар паза аны пірдеезі көр таппас. ²² Хомыста ойнапчатханнар, сарнапчатханнар, хобырах паза пырғы тартчатханнар синде паза хақан даа истілбестер. Ус чон паза оларның иткен нимелері хақан даа синде полбастар, теербен тартханнары даа истілбес. ²³ Синің садыҕчыларың чир үстүнің пиглері полғаннар. Прай чоннар синің хайхастығ нимелеріңе чөндірткеннер, аннаңар синде, илбек саар, чарытхыларның чарыпчатханы паза көрінмес, хоных хончатхан чииттернің үннері паза истілбес. ²⁴ Өдірткен ухаанчыларның, ах-арығларның паза прай чир үстүндегілернің төгілген ханы пу саарда табылған.

Аллилуй! – Худайны сабландырыңар!

19¹⁻² Аның соонда мин тигірде уғаа көп чонның хысхырчат-ханына төөй өтиг үнни ис салғам:

– Хан Худайыбыстың чарғылары орта паза сын полчатханнар, Аллилуй! Ағаа арачыланыс, сабланыс, аарлас паза күс ползын. Ол чир үстүн чөрөөчү хылыгынан ардатхан уғаа чөрөөчү ипчині – саарны – чарғылаан. Худай Позының нымысчыларының ханы үчүн аннаң өс алған.

³Анаң пазох хысхырғаннар:

– Аллилуй! Аның ызы хақан даа тохтабин көдірілче!

⁴Андада чибіргі төрт ах сағал паза төрт аң, түндере түзіп, үлгү сирезінде одырчатхан Худайға пазырғаннар:

– Аминь! Аллилуй!

Хурағанның тойы

⁵Үлгү сирезінең табыс истілген:

– Худайның прай нымысчылары, прай Аны улуғлапчатханнар, саблығ паза олаңай кизилер, пістің Худайыбысты сабландырыңар!

⁶Көп санның чонның табызы осхас, көп суғларның суулазы осхас, улуғ күтүрттің табызы осхас үннің чоохтанчатханын ис салғам:

– Аллилуй! Өөркі Чайаачы, Прай нимеден күстіг Худай Хан полыбысты! ⁷Хурағанның тойы чит килгеннеңер, өрінеңер паза көглеңер! Аны сабландыраңар! Аның алчатхан хызы чазан салды. ⁸Ол хысха чарых паза арығ көгенек пирілген. (Андағ көгенек ах-арығ кизилернің орта киректерін таныхтапча!)

– ⁹Пас сал: Хурағанның тойына хығыртылғаннар часкалығлар! – теен мағаа ангел.

– Пу Худайның сын сөстері! – тіп хосхан соонаң.

¹⁰Андада мин, аның азағына түзіп, ағаа пазырарға иткем, че ол мағаа теен:

– Мыны идерге чарабас! Мин дее синөк осхас паза Иисустың киречілері полчатхан харындастар осхас Худайның нымысчызыбын. Худайға пазыр!

Ухаанчылас худы Иисустаңар киречілес полча.

Ах аттығ чалаң

¹¹Тигірнің азылчатханын көр салғам. Мына ах ат! Ағаа мүн салған кизінің ады-солазы Сын паза Ізестіг полған. Ол сын

чарғылапча паза чаа апарча. ¹² Аның харахтары көйчеткен чалын осхас полғаннар паза пазында көп короналар полған. Аның пазылған паза аннаң пасха пирдеезі пілбинчеткен ады-солазы пар полған. ¹³ Ол ханға өл пол парған кип-азахтығ полған паза Аның ады – «Худай Сөзі». ¹⁴ Аның соонча ах аттығ, ах паза арығ кип-азахтығ тигір чаачылары парғаннар. ¹⁵ Аның ахсынан чоннарны хырчаң чітіг хылыс сыхчатхан. Ол тимір тайахнаң чоннарны хадарча паза Прай нимеден күстіг Худайның тарыныс паза өкпеленіс арағазын сыға пасчаң сапчакты типсепче. ¹⁶ Аның кибінде паза пудында «Ханнарның Ханы паза пиглернің Пигі» тіп пазыл парған.

¹⁷ Күнде турчатхан пир ангелні көр салғам. Тигірче пөзік учух чөрчеткен прай хустарға өтіг үннең хысхырыбысхан:

– Пеер учуғынар! Худайның улуғ ас-тамактығ тойына чыылыңар! ¹⁸ Сіреер ханнарның, чаачылар пастыхтарының паза чаачыларның, аттарның паза чалаңнарның, прай пос чурттығларның паза хуларның, олаңай паза саблығ кізілернің ит-сөөктерін хахлирзар!

¹⁹ Анаң, Чалаңнаң паза Аның чаачыларынаң чаалазарға тіп, аңның, чир үстүндегі ханнарның паза оларның чаачыларының чыылыс парғаннарын көр салғам. ²⁰ Анаң аң паза чой ухаанчы туттыр салғаннар. Ол чой ухаанчы, аңның алнында хайхастар идіп, аңның таңмазын турғыстырып алғаннарны паза аның омазына пазырғаннарны алаахтырған полған. Ол ікөлең көйчеткен сералығ көлзер тірігеөк тастатхан. ²¹ Чаачылары, тізең, ах аттығ Чалаңның ахсынаң сыхчатхан хылысха хырдырғаннар. Прай хустар, оларның ит-сөөктерін хахлап, тосханнар.

Пір муң чыл

20 Мин тигірдең түсчеткен ангелні көр салғам. Аның холында түбі чох чирнің клүзі паза чоон ілчірбе полған. ² Ол ангел диавол паза сайтан полчатхан сыр чыланны, пурунғы чыланны, пир муң чылға ілчірбее палғап салған. ³ Ол сыр чылан пир муң чыл ирткенче чоннарны паза алаахтыр полбазын тіп, ангел аны түбі чох чирзер кире тастабысхан. Аны андар чаап салып, таңма турғыс салған. Аның соонда аны үр нимеске позыдарға кирек полар.

⁴ Мин үлгү сіреелерін паза чарғылачаң үлгү пирілген кізілернің анда одырчатханнарын көр салғам. Олар, Иисустаңар паза

Худай сөзіненер киречілееннері үчүн, мойныларын үзе саптырған кізілернің хуттары полғаннар. Олар аңа паза аның омазына пазырбааннар, хамактарына алай холларына аның таңмазын турғыстырбааннар. Олар тіріл килгеннер паза Христоснаң хада пір муң чыл үлгү тутханнар. ⁵Өліглернің пасхалары, тізең, пір муң чыл иртпеенде, тірілбееннер. Мынзы, тізең, пастағы тіріліс. ⁶Пастағы тірілісте чуртас алып алғаннары часкалығ паза ах-арығ поларлар. Ікінчі өлім оларға пір дее ниме ит полбас. Андағлар Худайның паза Христостың абыстары поларлар паза Аннаң хада пір муң чыл үлгү тударлар.

Сайтанны чарғылааны

⁷Пір муң чыл ирт парза, сайтанны пиктегден позыдыбызарлар. Ол пазох чирнің төрт сариндағы чоннарны, Гог паза Магог* чоннарын алаахтырарға паза оларны чааға чыырға сығар. Ол талай хазындағы хумның саны синінче чоннарны чыып алар. ⁸Олар, чир чалбаана сығып, Худайның чоңының турлаан паза Худайның хынчатхан саарын ибірібіскеннер. ⁹Че ол туста чалынның от, тигірден, Худайдаң, түзіп, оларны хырыбысхан. ¹⁰Оларны алаахтырған сайтан көйчеткен сералығ көлзер тастатхан. Андарох аң паза чой ухаанчы тастаттыртханнар. Анда олар хараа-күнөрте хачан даа иреелен турарлар.

Халғанчы чарғы

¹¹Анаң мин ах өннің илбек үлгү сиреезін паза анда одырчатхан Худайны көр салғам. Тигірнең чир Аннаң тискеннер. Оларға мында орын чох полған. ¹²Мин үлгү сиреезінің алнында турчатхан өл парған саблығ паза олаңай кізілерні көр салғам. Пічіктер азылғаннар. Анаң пасха пічік, чуртас пічиин, азылған. Өліглер пічіктерде пазыл парған хоостыра постарының иткен киректері үчүн чарғылатханнар. ¹³Талай позындағы өліглерні пирибіскен, өлім паза Чир түбі постарының өліглерін идок пирибіскеннер. Полғаны ла позының иткен киректері хоостыра чарғылатхан. ¹⁴Анаң өлім паза Чир түбі көйчеткен көлзер тастатханнар. Көйчеткен көл – ол ікінчі өлім. ¹⁵Кемнің ады-солазы чуртас пічиинде пазылбаан полған, ол көйчеткен көлзер тастатхан.

* 20:7 Пурунғы Молчагдағы «Иезекииль ухаан чоохтары» киндезінде (38–39) Гог Магог чирінің ханының ады полча.

Наа тигір паза наа чир

21 Анаң мин наа тигірни паза наа чирни көр салғам. Алындағы тигір паза алындағы чир, тізең, чох пол парғаннар, талай даа паза чоғыл. ²Мин, Иоанн, тигірдең Худайдаң түсчөткенін, ызых саар, наа Иерусалимни, көр салғам. ³Тигірдең өтиг тапсаан үнни ис салғам:

– Мына Худайның одаа, Худай аны кизилер аразында турғыс салар. Анда Ол кизилернең хада чуртир. Ол кизилерниң Худайы полар паза кизилер Аның чоннары поларлар. ⁴Худай оларның полған на харах чазын чызыбызар. Алындағы прай нимелер ирт парғаннаңар, өлим дее, ылғас таа, сыхтас таа паза ағырығлар даа чох пол парарлар.

⁵Ұлгү сиреезінде одырчатхан Худай чоохтанған:

– Мин прай наа нимелерни чайапчам!

Анаң мағаа хосхан:

– Пас сал! Пу сөстер сын паза орта.

⁶Анаң Ол мағаа теен:

– Толдырыл парды! Мин Альфа паза Омега, Пасталғаны паза Тоозылғаны полчам! Сухсапчатхан кизее тиріг хара суғдаң тикке суғ пирербін. ⁷Чиніс тутхан кизи пу нимелерни алып алар. Мин аның Худайы поларбын, ол Минің оолғым полар. ⁸Че хортыхтарға, киргиніс чохтарға, чабал хылыхтығларға, кизи өдирчөткенерге, оралысхахтарға, сыбырағчыларға, сын нимес худайларға пазырчатханнарға паза прай чойларға көйчөткен сералығ көлде орын полар. Мынзы – икинчи өлим.

Наа Иерусалим

⁹Халғанчы чити чобағның чити айағын тутчатхан чити ангелниң пирси, минзер пас килип, теен:

– Парааң, мин сағаа Хурағанның алчатхан хызын көзит пирербін.

¹⁰Анаң Худай Худының күзи мағаа тол парғанда, ол Хут мини илбек паза пөзик тағ үстүнзер апар салған. Апар салып, тигірдең, Худайдаң, түсчөткен ызых, илбек Иерусалим саарны көзиткен.

¹¹Ол Худайның пызыннапчатханына чараан, аның чарии, тізең, аарлығ тастар паза кристалл осхас яшма чили сағылысханнар.

¹²Саарның ибیره он iki хаалхалығ, улуғ паза пөзик хана полған. Полған на хаалха хыринда ангел турған, ол хаалхаларда Израиль

чоһының он ікі төлінің аттары пазыл парғаннар. ¹³ Искеркіде үс хаалха, алтынзархыда үс хаалха, үстүнзархыда үс хаалха паза кидеркіде үс хаалха полған. ¹⁴ Саарның ханазы он ікі төстіктіг полған, ол төстіктерде Хурағанның он ікі илчизінің аттары пазыл парған. ¹⁵ Миннең чоохтасхан ангелнің пу саарны, аның хаалхаларын паза ханаларын синечең алтын тайағы пар полған. ¹⁶ Саар төрт пулуңның полған, аның узуны паза чалбаа тиң полғаннар. Ангел тайағынаң саарны синебіскен. Аның узуны он ікі муң стадий* полған. Саарның узуны, чалбаа паза пөзии прай тиң полғаннар. ¹⁷ Ангел хананы синеен. Ол хананың чалбаа, кизи синінең саназа, 144 сығанахча чалбах полған. Ангел ол синнең тузаланған. ¹⁸ Хана яшма тіп аарлығ таснаң, позы саар, тізең, сүлейке осхас арығ алтыннаң пүдірілген. ¹⁹ Саарның ханазының төстігі аймах аарлығ тастарнаң чазалған: пастағы төстігі – яшманан, ікінчизи – сапфирнең, үзінчизи – халцедоннаң, төртінчизи – изумруднаң, ²⁰ пизінчизи – агатнаң, алтынчызы – сердоликнең, читінчизи – хризолитнең, сигізінчизи – беррилнең, тоғызынчызы – топазнаң, онынчызы – хризопразнаң, он пірінчизи – гиацинтнең, он ікінчизи – аметистнең. ²¹ Он ікі хаалха – он ікі нинчинең: полған на хаалха – алынча нинчинең. Саарның өөн орамы – сүлейке осхас арығ алтыннаң.

²² Өөркі Чайаачы, Прай нимеден күстіг Худай паза Хураған – Саарның храмы полчалар. Пасха храм мин көрбеем. ²³ Саарны Худайның сабланызы чарытчатханнаңар, ағаа күн дее, ай даа чарии кирек чоғыл. Аның чарытхызы, тізең, Хураған. ²⁴ Чоннар Аның чариинда чуртирлар, чир үстүндегі ханнар, тізең, постарының прай аарлығ нимелерін андар ағыларлар. ²⁵ Күнөрте саарның хаалхалары пір дее чабылбастар, хараа, тізең, анда полбас. ²⁶ Чоннарның прай ис-пайын паза сабланызын андар ағыл пирерлер. ²⁷ Пеер пір дее кірліг нима паза пір дее уйадыстығ нима итчеткен чой кизи кірбес. Пеер Хурағандағы чуртас пічинде пазыл парған на кизилер кірерлер.

Чуртас суу

22 Анаң ангел мағаа Худайның паза Хурағанның үлгү сирезінең ахчатхан, кристалл осхас чарых, чуртастың арығ ағын суун көзіт пирген. ² Саарның өөн орамының ортызынча ахчатхан

* 21:16 Он ікі муң стадий – ол сағамғы туста ікі муң километрге тиңнелче.

суғның ікі саринда чуртас ағазы өскен. Ол ағас чылда он ікі хати чистек пирче, полған на айның позының нимізі полчаң. Ағастың пүрлері, тізен, чоннарны имнирге чарацаңнар. ³Ол саарда пір дее харғатхан ниме паза полбас. Анда Худайның паза Хураған-ның үлгү сиреезі полар. Худайның нымысчылары Ағаа тоғынарлар. ⁴Олар Худайның сырайын көрерлер, оларның хамахтарында, тізен, Аның ады пазыл парар. ⁵Анда хараа паза полбас. Кізілерге чарытхы алай күн чарии пір дее кирек чох полар. Өөркі Чайаачы — Худай оларны чарыдар нооза. Олар хачан даа үлгү тударлар.

⁶Ангел мағаа чоохтанған:

— Пу сөстер — сын паза орта. Худайның ухаанчыларының өөркі Чайаачызы, Худай, түрчедең ниме пол парарын Позының нымысчыларына көзідерге тіп, Позының ангелін ысхан.

Иисустың килгені

⁷«Мына, түрчедең килербін! Пу пічікте пазыл парған ухаанчыластың сөстерінче чуртапчатхан кізі часкалығ», — тіпче Иисус Христос.

⁸Мин, Иоанн, мыны көргем паза искем. Истіп, көріп алып, пу нимені көзітчеткен ангелге пазыраға тіп, аның азағына түскем. ⁹Че ангел мағаа теен:

— Чох, чарабас мыны идерге! Мин синөк осхас, синің ухаанчы харындастарың осхас, пу пічікте пазылған сөстерче чуртапчатхан прай кізілер осхас, нымысчыбын. Худайға пазыр!

¹⁰Анаң ол мағаа хоза теен:

— Пу пічіктің ухаанчы сөстерін чаппа. Тус чағыннап килді, нооза. ¹¹Кем сын ниме итпинче, идөк ле сын ниме итпезін; кем хомай нимелер идіп чуртапча, идөк ле чуртап парзын. Че кем сын ниме итче, идөк сын ниме итсін; кем ах-арығ кізі полча, идөк ах-арығ ползын.

¹²«Мына, Мин түрчедең килербін! Сыйых Минде, Мин аны полған на кізее киректері хоостыра төлирбін. ¹³Мин Альфа паза Омега, Пастағызы паза Халғанчызы, Пасталғаны паза Тоозылғаны полчам».

¹⁴Худайның чახығларын толдырчатхан кізілер часкалығлар. Олар чуртас ағазынаң азыранарға паза саарзар хаалхаларча кірерге турыстыра поларлар. ¹⁵Саар тастында адайлар*, сыбырағчылар,

* 22:15 «Адайлар» — пу сөс чөречі кізілерні таныхтапча.

оралысхахтар, өдірігчлелер, тайма худаиларға пазырчатханнар, чой ниме идерге хынчатхан паза итчеткен полған на кізі халларлар.

– ¹⁶ Мин, Иисус, мыны сіерге тигіриблерде киречілир үчүн, Позымның Ангелімні ызыбысхам. Мин Давид ханның чилегезі паза төлібін. Мин иртенгі чарых чылтыспын.

¹⁷ Худай Худы паза ирге парчатхан хыс тіпчелер:

– Кил!

Мыны искен кізі, ідөк тізін:

– Кил!

Сухсапчатхан кізі килзін. Ізері килчеткен кізі чуртас пирчеткен суғны тикке алзын!

¹⁸ Пу пічіктің ухаанчы сөстерін искен прай кізілерні сизіндірчем: кем пу сөстерге пірее ниме хозыбызар, ағаа даа Худай пу пічікте пазылған чобағларны хос пирер. ¹⁹ Кем пу ухаанчы пічіктең пірее ниме алып алар, Худай, ол кізінің ады-солазын чуртас пічиинең сығара сии тартыбызып, ухаанчы пічікте пазыл парған аның алғастарда аралазар паза ызых саарда чуртир үлүзін нандыра алып алар.

²⁰ Прай пу нименің Киречізі тіпче:

– Йа, Мин, түрче полза, килербін!

Аминь, іди ползын! Кил Иисус, Хан-пигібіс!

²¹ Иисус Христостың, Хан-пигібістің, паарсазы сіерде прайзыңарда ползын. Аминь.